


13
966
18



413
966
18

御選唐宋詩醇卷之四十二

大正十五年二月
花房仙文郎氏寄贈

山陰陸游詩一

目錄

寄酬曾學士學宛陵先生體比得書云所寓

廣教僧舍有陸子泉每對之輒奉懷

送曾學士赴行在

新夏感事

留題雲門草堂

渡浮橋至南臺

還縣

航海

東陽道中

送七兄赴杭州帥幕

以石芥送劉韶美禮部劉比釀酒勁甚因以爲戲

寄張真父舍人

病中簡仲彌性唐克明蘇訓直

晚泊慈姥磯下

夜宿陽山磯將曉大雨北風甚勁俄頃行二百餘里遂抵雁翅浦

送全州趙都曹

病中作

醉中歌

上巳臨川道中

隨意

遊山西村

雨霽出遊書事

上虞逆旅見舊題歲月感懷

題十八學士圖

夜聞松聲有感

十二月一日

宿楓橋

雨中泊趙屯有感

秋風

重陽

沙頭

移船

將離江陵

滄灘

松滋小酌

晚泊松滋渡口

繫舟下牢溪遊三遊洞二十八韻

秋風亭拜寇萊公遺像

聞猿

瞿塘行

蹋積

鄉中每以寒食立夏之間省墳客夔適逢此
時悽然感懷

風雨中望峽口諸山奇甚戲作短歌

晚晴聞角有感

畏虎

鄰水延福寺早行

大安病酒留半日王守復來招不往送酒解
醒因小飲江月館

曉發金牛

山南行

和高子長參議道中

次韻張季長題龍洞

太息

閬中作

遊錦屏山謁少陵祠堂

歸次漢中境上

南沮水道中

長木夜行抵金堆市

赴成都泛舟自三泉至益昌謀以明年下三峽

雪晴行益昌道中頗有春意

劍門道中遇微雨

劍門城北回望劍關諸峰青入雲漢感蜀亡事慨然有賦

綿州魏城縣驛有羅江東詩云芳草有情皆礙馬好雲無處不遮樓戲用其韻

東津

東山

綿州錄參廳觀姜楚公畫鷹少陵為作詩者

西郊尋梅

海棠

驛舍見故屏風畫海棠有感

登荔枝樓

凌雲醉歸作

醉中感懷

玻璃江

送客至江上

九月十六日夜夢駐軍河外遣使招降諸城
覺而有作

成都行

初寒

木山

十月一日浮橋成以故事宴客凌雲

觀大散關圖有感

御選唐宋詩醇卷之四十二

山陰陸游詩一

三百篇之後自楚騷漢魏六朝以至於唐而詩之
變盡矣變有必極則所就亦以時異故宋人繼唐
之後不規規模擬前人要以自成一家而止然其
體製雖殊而波瀾未嘗二也耳食之流未窺古人
門戶於一代大家橫生訾議而不善學者又徒襲
其聲貌亦兩失之矣宋自南渡以後必以陸游爲
冠當時稱大家者曰蕭楊范陸楊萬里則曰尤蕭

范陸至劉克莊乃曰放翁學力似杜甫又曰南渡而下放翁故爲一大宗朱子與徐賡載書放翁詩讀之爽然近代惟見此人爲有詩人風致今諸家詩具在可與游匹者誰也觀游之生平有與杜甫類者少歷兵閒晚棲農畝中間浮沈中外在蜀之日頗多其感激悲憤忠君愛國之誠一寓於詩酒酣耳熱跌蕩淋漓至於漁舟樵徑茶椀爐熏或雨或晴一草一木莫不著爲歌咏以寄其意此與甫之詩何以異哉詩至萬首瑕瑜互見評者以爲譬

之深山大澤包含者多不暇翦除蕩滌非如守半畝之宮一木一石可屈指計數可謂知言矣若捐疵類存英華畧纖巧可喜之詞而發其閎深微妙之指何嘗不與李杜韓白諸家異曲同工可以配東坡而無愧者哉茲所存者僅逾二十之一直使天青木響水落石出其所以破拘士之見而守劔南門戶者亦知所取則也夫

寄酬曾學士學宛陵先生體比得書云所寓廣教僧舍有陸子泉每對之輒奉懷

庭中下乾鵲。門外傳遠書。小印紅屈蟠。兩端黃蠟塗。開緘展矮紙。滑細疑卵膚。首言勞良苦。後問逮妻孥。中間勉以仕。語意極勤渠。字如老瘠竹。墨淡行疏疏。詩如古鼎篆。可愛不可摹。快讀醒人意。垢癢逢爬梳。細讀味益長。炙轂出膏腴。行吟坐臥看。廢食至日晡。想見落筆時。萬象聽指呼。亦知題詩處。綠井石髮麤。公閑計有客。煎茶置風爐。倘公無客時。濯纓亦足娛。井名本季疵。思人理豈無。居然及賤子。媿謝恩意殊。幾時得從公。舊學鋤荒蕪。古

送曾學士赴行在

文講聲形。誤字辨魯魚。時時酌井泉。露芽奉瓢盃。不知公許否。因風報何如。

二月侍燕觴。紅杏寒未坼。四月送入都。杏子已可摘。流年不貸人。俯仰遂成昔。事賢要及時。感此我心惻。欲書加餐字。寄之西飛翮。念公為民起。我得怨乖隔。遙遙跋前旌。去去望車軌。亭鄣鬱將暮。落日澹陂澤。敢忘國士風。涕泣效臧獲。敬輸千一慮。或取二三策。公歸對延英。清問方側席。民瘼公所

知願言寫肝膈。向來酷吏橫。至今有遺螫。織羅士
 破膽。白著民碎魄。詔書已屢下。宿蠹或未革。期公
 作醫和。湯劑窮絡脈。士生恨不用。得位忍辭責。併
 乞謝諸賢。努力光竹帛。

前篇學宛陵。此遂并近工部道。義相勗辭意俱古。
 唐書劉晏傳。州縣取富人督漕。輓謂之船頭主。
 郵遞謂之捉驛。稅外橫取謂之白著。

新夏感事

百花過盡綠陰成。漠漠爐香睡晚晴。病起兼旬疏

把酒山深四月始。聞鶯近傳下詔通言路。已卜餘
 年見太平。聖主不忘初政美。小儒惟有涕縱橫。
 風調清蒼立言得體。直是通達治理。非尋常嘲風
 弄月者比。

王士正曰。劉公馥論詩云。七律較五律多二字
 耳。其難什倍。譬開硬弩。祇到七分。若到十分。滿
 古今亦罕矣。予因思唐宋以來。爲此體者。何翅
 千百人。求其十分滿者。唯杜甫。李頎。李商隱。陸
 游。及明之空。同滄溟。二李數家耳。

文集曾文清公志銘太上懲秦氏專政之後開
言路獎孤直應詔論事者甚眾

留題雲門草堂

小住初為旬月期。二年留滯未應非。尋碑野寺雲
生履送客溪橋雪滿衣。親滌硯池餘墨漬。臥看爐
面散煙霏。他年遊宦應無此。早買漁蓑未老歸。

度浮橋至南臺

客中多病廢登臨。聞說南臺試一尋。九軌徐行怒
濤上。千艘橫繫大江心。寺樓鐘鼓催昏曉。墟落雲

煙自古。今白髮未除豪氣在。醉吹橫笛坐榕陰。
頷聯寫浮橋語頗偉麗五六雄渾中興象自遠有
涵蓋一切之氣

還縣

霽色清和日已長。綸巾蕭散意差強。飛飛鷗鷺陂
塘綠鬱鬱桑麻風露香。南陌東村初過社。輕裝小
隊似還鄉。哦詩忘却登車去。枉是人言作吏忙。
三四閑雅可愛畫手有不能寫處

航海

我不如列子。神遊御天風。尙應似安石。悠然雲海中。臥看十幅蒲。彎彎若張弓。潮來湧銀山。忽復磨青銅。飢鶻掠船舷。大魚舞虛空。流落何足道。豪氣蕩肺腑。歌罷海動色。詩成天改容。行矣跨鶴背。弭節蓬萊宮。

東陽道中

風欹烏帽送輕寒。雨點春衫作碎斑。小吏知人當著句。先安筆硯對溪山。

送七兄赴揚州帥幕

初報邊烽照石頭。旋聞胡馬集瓜州。諸公誰聽芻蕘策。吾輩空懷畎畝憂。急雪打窗心共碎。危樓望遠涕俱流。豈知今日淮南路。亂絮飛花送客舟。五句承上但覺忠憤填胸不復論其造句之警此子美嫡嗣他人不能到也

以石芥送劉韶美禮部劉比釀酒勁甚因以為戲

古人重改陽城驛。吾輩欣聞石芥名。風味可人終骨體尊前真見魯諸生。

草木名物見好賢之意風人微旨可以風世厲俗
 元微之陽城驛詩商有陽城驛名同陽道州陽
 公沒已久感我淚交流祠曹諱羊祜此驛何不
 侔我欲避公諱名為避賢驛

寄張真父舍人

諸公方衮衮無地著斯人萬里夔州守中朝禁省
 臣孤帆秋上峽五馬曉班春想見懷明主登臨白
 髮新

病中簡仲彌性唐克明蘇訓直

移疾還家暫曲肱依然耐久北窗燈心如澤國春
 歸雁身是雲堂旦過僧細雨佩壺尋廢寺夕陽下
 馬弔荒陵小留莫厭時追逐勝社年來冷欲冰

三君皆有歸志故云

晚泊慈姥磯下

山斷峭崖立江空翠靄生
 情月碎知流急風高覺笛清
 兒曹笑老子不睡待潮平

格力殊健起勢尤為挺拔

夜宿陽山磯將曉大雨北風甚勁俄頃行三百餘里遂抵雁翅浦

五更顛風吹急雨倒海翻江洗殘暑白浪如山潑入船家人驚怖篙師舞此行十日苦滯留我亦盧叢厭鳴鶻書生快意輕性命十丈蒲帆百夫舉星馳電驚三百里坡隴聯翩雜平楚船頭風浪聲愈厲助以長笛搗鼉鼓豈惟澎湃震山嶽直恐瀕洞連后土起看草木盡南靡水鳥號鳴集洲渚稽首龍公謝風伯區區未禱煩神許應知老去負壯心

戲遣窮途出豪語

王士正日南渡惟陸務觀爲大宗七言遜杜韓蘇黃諸大家正坐沈鬱頓挫少耳要非餘人所及

送全州趙都曹

霜。葉。無。停。聲。脂。車。有。行。色。正。悲。南。浦。秋。又。送。清。湘。客。啼。飢。兒。頰。紅。待。養。親。髮。白。努力事上官世路日已迫

發端清妙後幅語帶憤激矣

病中作

豫章瀕大江。氣候頗不令。孟冬風薄人。十室八九
病。外寒客肺胃。下濕攻脚脛。俗巫醫不藝。嗚呼安
託命。我始屏藥囊。治疾以清靜。幻妄消六塵。虛白
全一性。三日體遂輕。成此不戰勝。長年更事多。苦
語君試聽。

醉中歌

吾少貧賤真臞儒。貪食嗜味老不除。折腰斂版日
走趨。歸來聊以醉自娛。長餅巨榼羅盃盃。不須漁

翁勸三閭。牛尾膏美如凝酥。猫頭輪困欲專車。黃
雀萬里行頭顱。白鷺作鮓天下無。潯陽糖蟹徑尺
餘。吾州之蔘尤嘉蔬。珍盤餽飮百味俱。不但項鬻
與腹腴。悠然一飽自笑愚。顧爲口腹勞形軀。投劾
行矣歸園廬。莫厭糲飯嘗黃菹。

上巳臨川道中

二月六夜春水生。陸子初有臨川行。溪深橋斷不
得渡。城近臥聞吹角聲。三月三日天氣新。臨川道
中愁殺人。纖纖女手桑葉綠。漠漠客舍桐花春。平

生怕路如怕虎。幽居不省遊城府。鶴軀苦瘦坐長
飢。龜息無聲惟默數。如今自憐還自笑。斂版低心
事。年少儒冠未恨終。自誤刀筆最驚非。素料五更
欹枕一。悽然夢裏扁舟水。接天紅蕖綠芰。梅山下
白塢朱樓。禹廟邊。

隨意

隨意上漁舟。幽尋不預謀。清溪欣始泛。野寺憶前
遊。豐歲雞豚賤。霜天柿栗稠。餘生知有幾。且置萬
端憂。

起句之妙正以不著意得之

遊山西村

莫笑農家臘酒渾。豐年留客足雞豚。山重水複疑
無路。柳暗花明又一村。簫鼓追隨春社近。衣冠簡
朴古風存。從今若許閒乘月。拄杖無時夜叩門。

雨霽出遊書事

十日苦雨一日晴。拂拭拄杖西村行。清溝泠泠流
水細。好風習習吹衣輕。四鄰蛙聲已閣閣。兩岸柳

色爭青青。辛夷先開。半委地。海棠獨立。方傾城。春
工遇物。初不擇。亦秀燕麥。開蕪菁。薺花如雪。又爛
漫。百草紅紫。那知名。小魚誰取。置道側。紅柳穿頰
危。將烹欣然。買放寄吾意。草萊無地。蘇疲氓
閑閑。卽日有鳶飛。魚躍之意。末句一轉。便追風人
非大家。烏能有此。

上虞逆旅見舊題歲月感懷

舩。艤爲家。東復西。今朝破曉。下前溪。青山缺處。日
初上。孤店開時。鶯亂嘯。倦枕不成。千里夢。壞墻閑

覓十年題。漆園傲吏。猶非達。物我區區。豈足齊。

題十八學士圖

隋日昏曠。東南傾。雷塘風吹。草木腥。平時但忌黑
色兒。不知乃有虬鬚生。晉陽龍飛。雲滂灑。關洛萬
里。卽日平。東征歸來。脫金甲。天策開府。延豪英。琴
書閑暇。永清晝。簪履光彩。明華星。高參伊呂。列佐
命。下者才氣。猶崢嶸。但餘一恨。到千載。高陽繆公
來。竄名老奸。得志國幾喪。李氏誅。徒連孤嬰。向令
亟念履霜。戒危亂。安得存勾萌。眾賢一佞。旤尙爾。

掩卷涕淚臨風橫。

自古知人不易一經指出便為炯戒此詩之有關
政治者筆亦勁直無比

唐書秦王使閻立本圖像文學褚亮為之贊題
名爵里號十八學士圖

夜聞松聲有感

清晨放船落星石。大風吹颿如箭激。回頭已失廬
山雲。却上吳城觀落日。夜深龍歸擘祠門。入木數
寸留爪痕。明朝就視心尚慄。腥風卷地雷霆奔。歸

船買酒持自慰。性命平生驚屢戲。固知祈怒有定
時。波紋蹙作魚鱗細。如今衰病臥林垞。霜覆茆簷
月滿庭。松聲驚破三更夢。猶作當時風浪聽。原註
余丙

戊七月自京口移官豫章冒風濤自
星子解舟不半日至吳城山小龍廟

十二月一日

東風吹斗柄。暖律變嚴凝。草色迷殘燒。溪流帶斷
冰。兒書春日榜。女翦上元燈。莫笑蒲龕睡。山翁怯
歲增。

宿楓橋

七○年○不○到○楓○橋○寺○客○枕○依○然○半○夜○鐘○風○月○未○須○輕○
感○慨○巴○山○此○處○尚○千○重○
所○謂○一○番○拈○起○一○番○新○也

雨中泊趙屯有感

歸○燕○羈○鴻○共○斷○魂○荻○花○楓○葉○泊○孤○村○風○吹○暗○浪○重○
添○纜○雨○送○新○寒○半○掩○門○魚○市○人○煙○橫○慘○淡○龍○祠○簫○
鼓○鬧○黃○昏○此○身○且○健○無○餘○恨○行○路○雖○難○莫○更○論○
潘○問○奇○曰○三○四○風○景○颯○然○五○六○亦○稱○
入○蜀○記○大○風○解○船○經○皖○口○至○趙○屯○未○朝○食○已○行○

百五十里而風益大乃泊夾中趙屯有成兵亦
小市聚也夜雨

秋風

秋○風○吹○客○檣○節○物○嘆○遐○方○歲○事○忽○云○暮○吾○行○殊○未○
央○霜○清○漢○水○綠○日○落○楚○山○蒼○此○去○三○巴○路○無○猿○亦○
斷○腸○

前四句疏宕五六撐拄得起結有餘力逼真盛唐
格律

重陽

照江丹葉一林霜。折得黃花更斷腸。商略此時須痛飲。細腰宮畔過重陽。

王士正曰：偶與友人論宋人絕句，若放翁、照江、丹葉、一林、霜、舟中、一雨、掃、飛、蠅、江上、荒城、猿、鳥、悲、諸篇，皆可直追唐音。

入蜀記：九日泊埭子磯，求菊花於江上人家，得數枝，芬馥可愛，爲之頽然徑醉。

沙頭

游子行愈遠。沙頭逢莫秋。孫劉鼎足地。荆益犬牙

州。鼓角風雲慘。江湖日夜浮。此生應袞袞。高枕看東流。

雄渾悲壯直。摩浣花之壘。

移船

沙際舟銜尾。相依作四隣。暮年多感慨。分路亦酸辛。折竹占行日。吹簫賽水神。無勞問亭驛。久客自知津。

將離江陵

莫莫過渡頭。旦旦走隄上。舟人與關吏。見熟識顏

御選唐詩卷之三
狀癡頑久不去。常恐遭誚讓。昨日倒檣竿。今日聯
百丈。買薪備雨雪。儲米滿瓶盎。明當遂去此。障袂
先側望。卽今孟冬月。波濤幸非壯。潦收出奇石。霧
卷見疊嶂。地險多崎嶇。峽束少平曠。從來樂山水
臨老愈跌宕。皇天憐其狂。擇地令自放。山花白似
雪。江水綠於釀。竹枝本楚些。妙句寄悽愴。何當出
清詩。千古續遺唱。

入蜀記九月二十日倒檣竿立艫牀蓋上峽惟
用艫及百丈不復張帆矣百丈以巨竹四破爲

之大如人臂予所乘千六百斛船用艫六枝百
丈兩車

滄灘

百夫正謹助鳴艫。舟中對面不得語。須臾人散寂
無譁。惟聞百丈轉兩車。嘔嘔啞啞車轉急。舟人已
在沙際立。霧斂蘆村落。照紅雨餘漁舍。炊煙濕故
鄉。回首已干山。上峽初經第一灘。少年亦慕宦遊
樂。投老方知行路難。

松滋小酌

西遊六千里。此地最淒涼。騷客久埋骨。巴歌猶斷腸。風聲撼雲夢。雪意接瀟湘。萬古茫茫恨。悠然付一觴。

五六儵然意遠兼。有沈雄之氣孟浩然。云獵響驚雲夢。漁歌激楚詞。妙處故應遜此。

晚泊松滋渡口

小灘拍拍鷓鴣飛。深竹蕭蕭杜宇悲。看鏡不堪衰病後。繫船最好夕陽時。生涯落魄惟耽酒。客路蒼茫自咏詩。莫問長安在何許。亂山孤店是松滋。

繫舟下牢溪游三游洞二十八韻

舊觀三峽圖。常謂非人情。意疑天壤間。豈有此崢嶸。畫師定戲耳。聊欲窮丹青。西游過沔鄂。莽莽千里平。昨日到峽州。所見始可驚。乃知畫非妄。卻恨筆未精。及茲下牢戍。峰嶂畢自呈。下入裂坤軸。高騫插青冥。角勝多列峙。擅美有孤撐。或如釜上甑。或如坐後屏。或如倨而立。或如喜而迎。或深如螺房。或疏如窗櫺。峨巍冠冕古。婀娜髻鬟傾。其間絕出者。虎搏蛟龍。猛崩崖凜欲墮。修梁架空橫。懸瀑

瀉無底。終古何時盈。幽泉莫知處。但聞珩珮鳴。怪
怪與奇奇。萬狀不可名。久聞三游洞。疾走忘病嬰。
竇穴初漆黑。偃僂捫壁行。方虞觸蟄蛇。頰見一點
明。扶接困僮奴。恍然出瓶罌。穹穹厦屋寬。滴乳成
微泓。題名歐與黃。雲蒸蒼蘚平。穿林走驚麕。拂面
逢飛鼯。息倦盤石上。拾榼置茶鐺。長嘯畚谷響。清
吟和松聲。辭卑不堪刻。猶足寄友生。
語奇句老頗近昌黎視南山。蓋具體而微爾。

秋風亭拜寇萊公遺像

江上秋風宋玉悲。長官手自葺茅茨。人生窮達誰
能料。蠟淚成堆又一時。
感慨繫之其風調致佳

王士正曰詩意以蠟淚成堆為公貴後事按后
山叢談所記則自其微時已然既為宰相乃所
謂無地起樓臺相公也此萊公英雄本色所以
不可及

入蜀記巴東謁寇萊公祠登秋風亭下臨江山
是日重陰微雪天氣颼飄復觀亭名使人悵然

始有流落天涯之歎

聞猿

瘦○盡○腰○圍○不○爲○詩○良○晨○流○落○自○成○衰○也○知○客○裏○偏○
多○感○誰○料○天○涯○有○許○悲○漢○塞○角○殘○人○不○寐○渭○城○歌○
罷○客○將○離○故○應○未○抵○聞○猿○恨○況○是○巫○山○廟○裏○時○
排○宕○開○闔○波○瀾○無○限○格○調○自○李○商○隱○得○之○故○自○青○
出○於○藍○

瞿塘行

四○月○欲○盡○五○月○來○峽○中○水○漲○何○雄○哉○浪○花○高○飛○暑○

路○雪○灘○石○怒○轉○晴○天○雷○千○艘○萬○舸○不○敢○過○篙○工○拖○
師○心○膽○破○人○人○陰○拱○待○勢○衰○誰○敢○輕○行○犯○奇○禍○一○
朝○時○去○不○自○由○山○腹○空○有○沙○痕○畱○君○不○見○陸○子○歲○
莫○來○夔○州○瞿○塘○峽○水○平○如○油○

入蜀記入瞿塘峽兩壁對聳上入霄漢其平如
削成仰視天如疋練然水已落峽中平如油盎

蹋磧

鬼○門○關○外○逢○人○日○蹋○磧○千○家○萬○家○出○竹○枝○慘○戚○雲○
不○動○劍○氣○聯○翩○日○將○夕○行○人○十○有○八○九○瘦○見○慣○何○

會○羞○顧○影○江○邊○沽○酒○沙○上○臥○峽○口○月○出○風○吹○醒○人○
生○未○死○信○難○知○顛○顛○夔○州○生○鬢○絲○何○日○畫○船○搖○桂○
檝○西○湖○却○賦○探○春○詩○

鄉中每以寒食立夏之間省墳客夔適逢此

時悽然感懷

手○持○綠○酒○醉○蒼○苔○今○歲○何○由○匹○馬○來○清○淚○不○隨○春○
雨○斷○孤○吟○欲○和○暮○猿○哀○皂○貂○破○敝○歸○心○切○白○髮○淒○
涼○老○境○催○誓○墓○只○思○長○不○出○松○門○日○日○手○親○開○

風雨中望峽口諸山奇甚戲作短歌

白○鹽○赤○甲○天○下○雄○拔○地○突○兀○摩○蒼○穹○凜○然○猛○士○撫○
長○劍○空○有○豪○健○無○雍○容○不○令○氣○象○少○滄○滄○常○恨○天○
地○無○全○功○今○朝○忽○悟○始○歎○息○妙○處○元○在○煙○雨○中○太○
陰○殺○氣○橫○慘○澹○元○化○變○態○含○空○濛○正○如○奇○材○遇○事○
見○平○日○乃○與○常○人○同○安○得○朱○樓○高○百○尺○看○此○疾○雨○
吹○橫○風○

奇思橫出傑語迭見

晚晴聞角有感

暑○雨○初○收○白○帝○城○小○荷○新○竹○夕○陽○明○十○年○塵○土○青○

衫○色○萬○里○江○山○畫○角○聲○零○落○親○朋○勞○遠○夢○淒○涼○鄉
社○負○歸○耕○議○郎○博○士○多○新○奏○誰○致○當○時○魯○二○生
游○嘗○與○范○成○大○論○東○坡○遙○知○叔○孫○子○已○致○魯○諸○生
句○謂○為○意○深○語○緩○此○詩○結○意○雖○顯○亦○有○不○盡○之○致

畏虎

滑○路○滑○如○苔○澀○路○澀○若○梯○更○堪○都○梁○下○一○雪○三○日
泥○泥○深○尚○云○可○委○身○餓○虎○蹊○心○寒○道○上○跡○魄○碎○茆
葉○低○常○恐○不○自○免○一○死○均○豬○雞○老○馬○亦○甚○畏○憊○憊
不○敢○嘶○吾○聞○虎○雖○暴○未○嘗○窺○汝○棲○孤○行○莫○不○止○取

禍○非○排○擠○彼○讒○實○有○心○平○地○生○溝○谿○哀○哉○馬○新○息
蕙○苴○成○珠○犀

得○詩○人○激○刺○之○旨○截○然○徑○住○彌○健○彌○深

隣水延福寺早行

化○蝶○方○酣○枕○聞○雞○又○著○鞭○亂○山○徐○吐○日○積○水○遠○生
煙○淹○泊○真○衰○矣○登○臨○獨○惘○然○桃○花○應○笑○客○無○酒○到
愁○邊原注酒偶盡
市酤不可飲

著○語○之○工○視○四○更○山○吐○月○殘○夜○水○明○樓○一○警○健○一
細○緻

大安病酒留半日王守復來招不往送酒解

醒因小飲江月館

江驛春醒半日留更煩送酒為扶頭柳花漠漠嘉陵岸別是天涯一段愁

曉發金牛

客枕何時穩忽忽又束裝快晴生馬影新暝坼花房沮水春流綠嶓山曉色蒼阿瞞狼狽地千古有

遺傷原注自金牛以西皆明皇幸蜀路

山南行

我行山南已三日如繩大路東西出平川沃野望不盡麥隴青青桑鬱鬱地近函秦氣俗豪鞦韆鞦鞦分朋曹苜蓿連雲馬蹏健楊柳夾道車聲高古來歷歷興亡處舉目山川尚如故將軍壇上冷雲低丞相祠前春日暮國家四紀失中原師出江淮未易吞會看金鼓從天下却用關中作本根

和高子長參議道中

梁州四月晚鶯啼共憶扁舟罨畫谿莫作世間兒女態明年萬里駐安西

翩翩有俠氣

次韻張季長題龍洞

我昔謁紫皇。翳鳳驂虬龍。俯不見塵世。浩浩萬里
 空。謫墮尚遠遊。忽到漢始封。西望接蜀道。北顧連
 秦中。壯哉形勝區。有此蜿蜒宮。雷霆自鞶鞶。環玦
 亦璫璫。石屋如建章。萬戶交通來。者各有得。盡
 取知無從。憑高三歎息。自古幾英雄。老我文字衰。
 揮毫看諸公。慨然遠望落。想在耳目之外。

太息

原註宿青
山舖作

太息重太息。吾行無終極。冰霜迫殘歲。鳥獸號落
 日。秋砧滿孤村。枯葉擁破驛。白頭鄉萬里。墮此虎
 豹宅。道邊新食人。膏血染草棘。平生鐵石心。忘家
 思報國。卽今冒九死。家國兩無益。中原久喪亂。志
 士淚橫臆。切勿輕書生。上馬能擊賊。

閬中作

殘年作客遍天涯。下馬長亭便似家。三疊淒涼渭
 城曲。數枝閑淡閬中花。襏屨授管相逢晚。理鬢熏

衣一笑譁。俱是邯鄲枕中夢。墜鞭不用憶京華。

遊錦屏山謁少陵祠堂

城中飛閣連危亭。處處軒窗臨錦屏。涉江親到錦
屏上。却望城郭如丹青。虛堂奉祠子杜子。眉宇高
寒照江水。古來磨滅知幾人。此老至今元不死。山
川寂寞客子迷。草木搖落壯士悲。文章垂世自一
事。忠義凜凜令人思。夜歸沙頭雨如注。北風吹船
橫半渡。亦知此老憤未平。萬竅爭號泄悲怒。
傷今懷古懷抱略同。愾焉寤歎如見其人。亦以寫

其胸臆耳

歸次漢中境上

雲。棧。屏。山。閱。月。遊。馬。蹏。初。喜。蹋。梁。州。地。連。秦。雍。川。
原。壯。水。下。荆。揚。日。夜。流。遺。虜。孱。孱。寧。遠。略。孤。臣。耿。
耿。獨。私。憂。良。時。恐。作。他。年。恨。大。散。關。頭。又。一。秋。
才氣慷慨不詭風人

南沮水道中

磴舍臨湍瀨。層船聚小潭。山形寒漸瘦。雪意莫方
酣。久客情懷惡。頻來道路諳。家山空悵望。無夢到

江南。

長木夜行抵金堆市

夜行長木村。重霧雜零雨。濕螢黏野蔓。寒犬吠雲
 塢。道壞交細泉。亭廢立遺堵。時時過農家。燈火照
 鳴杼。嗟予獨何事。無歲得安處。卽今窮谷中。性命
 寄豺虎。三更投小市。買酒慰羈旅。高咏東山詩。悵
 望懷往古。

赴成都泛舟自三泉至益昌謀以明年下三
 峽

詩酒清狂二十年。又摩病眼看西川。心如老驥常
 千里。身似春蠶已再眠。暮雪烏奴停醉帽。秋風白
 帝放歸船。飄零自是關天命。錯被人呼作地仙。
 領聯自佳。近人朱彝尊乃謂比興之體。可以偶見。
 撫其相類之句。以爲前後稠疊。何乃吹毛求疵。
 王士正曰。蜀道廣元縣。蜀主弟葭萌所封。古苴
 侯國。城西二里有烏奴山。陸游詩。莫雪烏奴停
 醉帽。秋風白帝放歸船。是也。
 雪晴行益昌道中頗有春意

杜陵雁下歲將殘。疋馬西游雪擁關。顛顛敢忘雙
闕路。淹遲遍看兩川山。春回柳眼梅鬚裏。愁在鞭
絲帽影閒。安得黃金成大藥。為人千載駐顏顏。

劍門道中遇微雨

衣上征塵雜酒痕。遠遊無處不消魂。此身合是詩
人未。細雨騎驢入劍門。

盧世淮曰筆墨之亂脫化殆盡

劍門城北回望劍關諸峰青入雲。漢感蜀亡
事慨然有賦

自昔英雄有屈信。危機變化亦逡巡。陰平窮寇非
難禦。如此江山坐付人。

劉禪庸主譙周庸臣七字中含多少感慨

綿州魏城縣驛有羅江東詩云芳草有情皆

礙馬好雲無處不遮樓戲用其韻

老夫乘興忽西游。遠跨秦吳萬里秋。尊酒登臨遍
山寺。歌辭散落滿江樓。孤城木葉蕭蕭下。古驛灘
聲瀲灩流。未許詩人誇此地。茂林修竹憶吾州。

東津

歲暮涪江水歸壑。白沙渺然石犖角。蜀天常燠少
雪霜。綠樹青林不搖落。闌干詰曲臨官道。煙靄參
差望城郭。打魚斫膾修故事。豪竹哀絲奉歡樂。樂
莫樂於新相知。美人一笑回春姿。四方本是丈夫
事。安用一生無別離。
深情老筆視少陵。二作雖未敢旗鼓。中原亦當雁
行同時諸子。豈敢望其項背。

東山

今日之集何佳哉。入關劇飲始此回。登山正可小

天下跨海何用尋蓬萊。青天肯爲陸子見。妍日似
趣梅花開。有酒如涪綠可愛。一醉直欲空千壘。馳
酥鵝黃出隴右。熊肪玉白黔南來。眼花耳熱不知
夜。但見銀燭高花摧。京華故人死大半。歡極往往
潛生哀。聊將豪縱壓憂患。鼓吹動地聲如雷。
高風跨俗真骨凌。霜高作也。

綿州錄參廳觀姜楚公畫鷹少陵爲作詩者
我來訪古涪之濱。不辭百回冀一真。走馬朝尋海
樓館。斫膾夜醉魴魚津。越王高樓亦已換。俯仰今

古堪悲辛。督郵官舍最卑陋。棟撓楹腐知幾春。歸
 然此壁獨無恙。老槎勁翮完如新。向來劫火何自
 免。叱呵守護疑有神。妖狐九尾穴中國。共置不問
 如越秦。天時此物合致用。下韉指呼端在人。會當
 原野灑毛血。坐令萬里清煙塵。老眼還憂不及見。
 詩成肝膽空輪囷。

西郊尋梅

西郊梅花矜絕豔。走馬獨來看不厭。似羞流落蒙
 市塵。寧墮荒寒傍茆店。翛然自是世外人。過去生

中差一念淺。顰常鄙桃李學。獨立不容鶯蝶覘。山
 馨水仙晚角出。大是春秋吳楚僭。餘花豈無好顏
 色。病在一俗無由砭。朱欄玉砌渠有命。斷橋流水
 君何欠。嗟余相與頗同調。身客劔南家在剡。淒涼
 萬里歸無日。蕭颯二毛衰有漸。尚能作意晚相從。
 爛醉不辭盃澱澱。
 因險出奇却不落。小家數

海棠

原註范希元園

誰道名花獨故宮。

原註謂故蜀燕王宮

東城盛麗足爭雄。橫

陳錦障闌干外。盡吸紅雲酒。酸中貪。看不辭。持夜燭。倚狂直。欲擅春風。拾遺舊咏。悲零落。瘦損腰圍。擬未工。原註老杜不應無海棠詩意其失傳爾

孫勣日末句妙於翻案如此著意自爾無陳非新

驛舍見故屏風畫海棠有感

厭煩只欲長面壁。此心安得頑如石。杜門不出歎習氣。止酒還開慚定力。成都一月海棠開。錦繡裏城迷巷陌。燕宮最盛號花海。霸國雄豪有遺迹。猩

紅鸚綠極天。巧疊萼重跗。眩朝日繁華。一夢忽吹散。閉眼細思。猶歷歷。憂樂相尋。豈易知。故人應記醉中詩。夜闌風雨。嘉州驛。愁向屏風見。折枝結尾。點題含情。無限通首。俱成波瀾矣。夜聞松聲有感。與此同調。蓋其作用熟也。

登荔枝樓

平羌江水接天流。涼入簾櫳已似秋。喚作主人元是客。知非吾土強登樓。閑憑曲檻常忘去。欲下危梯更小留。公事無多厨釀美。此身不負負嘉州。原註

薛能詩不負嘉州只負身

凌雲醉歸作

峨。嶓。月。入。平。羌。水。歎。息。吾。行。俄。至。此。謫。仙。一。去。五。百。年。至。今。醉。魂。呼。不。起。玻。黎。春。滿。琉。璃。鍾。原註玻黎春眉名。州。酒。宦。情。苦。薄。酒。興。濃。飲。如。長。鯨。渴。赴。海。詩。成。放。筆。千。觴。空。十。年。看。盡。人。間。事。更。覺。麴。生。徧。有。味。君。不。見。蒲。萄。一。斗。換。得。西。涼。州。不。如。將。軍。告。身。供。一。醉。

醉中感懷

早。歲。君。王。記。姓。名。只。今。顛。顛。客。邊。城。青。山。猶。是。鸚。行。舊。白。髮。新。從。劍。外。生。古。戍。旌。旗。秋。慘。澹。高。城。刁。斗。夜。分。明。壯。心。未。許。全。消。盡。醉。聽。檀。槽。出。塞。聲。

盧世淮曰三四無限感慨

玻。黎。江。原註眉州共飲亭蓋取東坡共飲玻黎江之句追懷舊遊戲作以補西州

玻。黎。江。水。千。尺。深。不。如。江。上。離。人。心。君。行。未。過。青。衣。縣。妾。心。先。到。峨。嶓。陰。金。樽。共。酌。不。知。曉。月。落。煙。渚。天。橫。參。車。輪。無。角。那。得。住。馬。蹏。不。方。何。處。尋。空。

憑尺素寄幽恨。縱有綠綺誰知音。愁來只欲掩屏

睡。無奈夢斷聞疏砧。原註古樂府安得雙車輪一

土中馬蹏圓重重郎馬蹏不方何處認郎蹤

清便宛轉別成風。調視范成大作奚啻牀上下之

別

送客至江上

多事經旬不出城。今朝送客此閑行。郊原遠帶新晴色。人語中含樂歲聲。天際斂雲山盡出。江流收漲水初平。故園社友應惆悵。五歲無端棄耦耕。

如此領聯較之繞郭烟嵐滿山樓閣以相誇耀者獨有雅人深致

九月十六日夜夢駐軍河外遣使招降諸城

覺而有作

殺氣昏昏橫塞上。東並黃河開玉帳。晝飛羽檄下。列城夜脫貂裘撫降將。將軍櫜下汗血馬。猛士腰閒虎文鞞。階前白刃明如霜。門外長戟森相向。朔風卷地吹急雪。轉盼玉花深一丈。誰言鐵衣冷徹骨。感義懷恩如挾纊。腥臊窟穴一洗空。太行北嶽

原無恙更呼斗酒作長歌要遣天山健兒唱

成都行

倚錦瑟擊玉壺吳中狂士遊成都成都海棠十萬
株繁華盛麗天下無青絲金絡白雪駒日斜遲遣
迎名姝燕脂褪盡見玉膚綠鬟半脫嬌不梳吳綾
便面對客書斜行小草密復疏墨君秀潤瘦不枯
風枝雨葉筆筆殊月浸羅襪清夜徂滿身花影醉
索扶東來此歡墮空虛坐悲新霜點鬢鬚易求合
浦千斛珠難覓錦江雙鯉魚

一結見意詩體如是

初寒

江路常逢雨山城早得寒蘭凋初解佩菊老尚加
餐原註嘉陽有崇蘭以八九月盛開節物知何負情懷自鮮歡浮
生看已熟不必夢邯鄲

木山

枯楠千載遭風雷披枝折幹吁可哀輪困無用天
所赦秋水初落浮江來嵌空宛轉若耳鼻峭瘦拔
起何崔嵬珠宮貝闕留不得忽出洲渚知誰推書

窗正對雲洞。啟叢菊初傍幽篁。栽是閒著汝。頗宜稱。摩挲朝莫。真千回天公解事。雨十日洗盡泥滓。滋莓苔一邱一壑。吾所許。不須更慕明堂材。

十月一日浮橋成以故事宴客凌雲

陰風吹雨白晝昏。誰掃雲霧升朝暾。三江水縮獻洲渚。九頂秀色欲塞門。西山竹十萬箇。江面便可馳車轅。巷無居人亦何怪。釋耒來看空山村。竹枝宛轉秋猿苦。桑落激灑春泉渾。眾賓共醉忘燭跋。一徑却下緣雲根。走沙人語若潮卷。爭橋炬火

如星繁。肩輿睡兀到東郭。空有醉墨留衫痕。十年萬事俱變滅。點檢自覺惟身存。寒燈夜永照耿耿。臥賦長句招羈魂。

觀大散關圖有感

上馬擊狂胡。下馬草軍書。三十抱此志。五十猶癯儒。大散陳倉間。山川鬱盤紆。勁氣鍾義士。可與共壯圖。坡陀咸陽城。秦漢之故都。王氣浮夕靄。宮室生春蕪。安得從王師。汎掃迎皇輿。黃河與函谷。四海通舟車。士馬發燕趙。將帥來青徐。先當營七廟。

次○第○畫○九○衢○偏○師○縛○可○汗○傾○都○觀○受○俘○上○壽○大○安
 宮○復○如○正○觀○初○丈○夫○畢○此○願○死○與○螻○螻○殊○志○大○浩
 無○期○醉○膽○空○滿○軀
 忠○憤○蟠○鬱○自○然○形○見○無○意○於○工○而○自○工

御選唐宋詩醇卷四十二

浙江書局總校董紹舒分校

汪學瀚
徐鼎勳
恭校

御選唐宋詩醇卷之四十三

山陰陸游詩二

目錄

十月十九日與客飲忽記去年此時自錦屏
歸山南道中小獵今又將去此矣

長門怨

斷碑歎

蜀酒歌

醉後草書歌詩戲作

十二月初一日得梅一枝絕奇戲作長句今年於是四賦此花矣

十二月十一日視築隄

游修覺寺

塞上曲

苦筍

月下作

過大蓬嶺度繩橋至杜秀才山莊

東湖新竹

夏日湖上

同何元立賞荷花追懷鏡湖舊遊

怡齋

龍湫歌

蒸暑思梁州述懷

古意

寓驛舍

題宇文子友所藏薛公鶴

晨至湖上

聽琴

龍眠畫馬

山中得長句戲呈周輔并簡朱縣丞

長歌行

遊三井觀

臨別成都帳飲萬里橋贈譚德稱

丈人觀

儲福觀

離堆伏龍祠觀孫太古畫英惠王像

登灌口廟東大樓觀嶠江雪山

平羌道中望峩眉山慨然有作

次韻何元立都曹贈行

初到榮州

醉中懷眉山舊遊

齋中夜坐有感

晚登橫溪閣

高齋小飲戲作

太液黃鵠歌

夜聞浣花江聲甚壯

謁諸葛丞相廟

醉中長歌

春感

花時遍遊諸家園

題明皇幸蜀圖

春殘

對酒

遊圓覺乾明祥符三院至暮

食齋

幽居晚興

書歎

月下醉題

銅壺閣望月

夜宴卽席作

芳華樓夜宴

歲晚

數日寒頓減頗有春意感懷賦短歌

梅花

萬里橋江上習射

出塞曲

偶過浣花感舊遊戲作

樓上醉書

初春出遊

張園海棠

登劔南西川門感懷

眉州作

江樓

訪楊先輩不遇因至石室

感秋

白鶴館夜坐

南津勝因院亭子

書寓舍壁

御選唐宋詩醇卷之四十三

山陰陸游詩二

十月十九日與客飲忽記去年此時自錦屏
歸山南道中小獵今又將去此矣

去年縱獵韓壇側。玉鞭自歎南山雪。今年痛飲蜀
江邊。金盃却吸峩眉月。竹枝歌舞新教成。淒怨傳
得三巴聲。城頭築觀出雲雨。峨眉正與闌干平。酒
酣詩就擲盃去。醉踏玻璃江上路。懸知幽磻斷橋
邊。已有梅花開半樹。

長門怨
 寒風號有聲。寒日慘無暉。空房不敢恨。但懷歲莫悲。今年選後宮。連娟千蛾眉。早知獲譴速。悔不承恩遲。聲當徹九天。淚當達九泉。死猶復見思。生當長棄捐。

忠厚悱惻深於言怨

斷碑歎 原註與元姚節度園以折碑為石筍文猶可識蓋梁蕭懿墓碑簡文為太子時撰書法道美可愛

二蕭同起南蘭陵。正如文叔與伯升。至今人悲大

蕭死齋恨不見梁家興。崇崇之陵久為谷。豈惟羣盜分珠玉。斷碑槎牙棄道邊。文字班班猶可讀。剝剝苔蘚一悽然。俯仰人間幾變遷。世人作碑君勿哂。千載園林須石筍。

簡峭

蜀酒歌

漢州鵝黃鸞鳳雛。不鷲不搏德有餘。眉州玻璃天馬駒。出門已無萬里塗。病夫少年夢清都會賜虛皇碧琳腴。文德殿門晨奏書。歸局黃封羅百壺。十

年流落狂不除。遍走人間尋酒壚。青絲玉瓶到處
酷。鵝黃玻璃一滴無。安得豪士致連車。倒瓶不用
盃。與孟琵琶如雷聒坐隅。不愁渴死老相如。

醉後草書歌詩戲作

朱樓矯首隘八荒。綠酒一舉累百觴。洗我堆阜崢
嶸之胸。次寫為淋漓。放縱之詞章。墨翻初若鬼神
怒。字瘦忽作蛟螭僵。寶刀出匣揮雪刃。大舸破浪
馳風檣。紙窮擲筆霹靂響。婦女驚走兒童藏。往時
草檄喻西域。颯颯聲動中書堂。
原註余嘗草丞相魯公以下與夏國

主書於一收朝迹忽十載。西掠三巴窮夜郎。山川
政事堂荒絕風俗異。賴有美酒猶能狂。醉中自脫頭上纒。
綠髮未許侵微霜。人生得喪良細事。孰謂老大多
悲傷。

醉墨淋漓暢然滿。志忽移商調淒焉。改色矣。柴升
所謂浸淫奔放於詞翰之中。以遂其放浪蕭散不
溺不淄之概者。取諸此也。

十二月初一日得梅一枝絕奇戲作長句
今年於是四賦此花矣

高標已壓萬花羣。尙恐嬌春習氣存。月兔擣霜供
換骨。湘娥鼓瑟爲招魂。孤城小驛初飛雪。斷角殘
鐘半掩門。盡意端相終有恨。夜寒皴玉倩誰溫。
梅花詩最爲難。工中四語頗有逸致。

十二月十一日視築堤

江水來自蠻夷中。五月六月聲摩空。巨魚穹龜牙
鬚雄。欲取闔市爲龍宮。橫堤百丈臥霽虹。始誰築
此東平公。今年樂哉適歲豐。吏不相倚勇赴功。西
山大竹織萬籠。船舸載石來無窮。橫陳屹立相疊
重。置力尤在水廟東。我登高原相其衝。一盾可受
百箭攻。蜿蜿其長高隆隆。截如長城限羌戎。安得
椽筆記始終。插江石崖堅可礮。

游修覺寺

上盡蒼崖百級梯。詩囊香椀手親攜。山從飛鳥行
邊出。天向平蕪盡處低。花落忽驚春事晚。樓高剩
覺客魂迷。興闌掃榻禪房臥。清夢還應到剡溪。

潘問奇曰第三句真登臨妙語

祖應世曰曲江有一水雲際飛之句竟陵評云

若入俗手定作一雲水際飛矣此頷聯若作鳥
從山邊出更有何味

塞上曲

三尺鐵如意。一枝玉馬鞭。笑把出門去。萬里行無
前。當道何崔嵬。云是玉門關。方當置屯守。征人何
時還。馬色如雜花。鎧光若流水。肅肅不敢譁。遙望
但塵起。日落戍火青。煙重塞垣紫。回首五湖秋。西
風開芡菡。

蟠奇氣於簡古。著鮮華於老健。不徒作悲涼語氣。

體絕似太白

苦筍

藜藿盤中忽眼明。駢頭脫襠白玉嬰。極知耿介種
性別。苦節乃與生俱生。我見魏徵殊媚嫵。約束兒
童勿多取。人才自古要養成。放使干霄戰風雨。

周密曰世傳涪翁喜苦筍嘗從斌老乞苦筍詩
云南園苦筍味勝肉籜龍稱冤莫採錄煩君更
致蒼玉束明日風雨吹成竹嘗賦苦筍云苦而
有味如忠諫之可活國放翁又從而獎之云我

見魏徵殊媚嫵約束兒童勿多取於是世以諫
筍目之殊不知翁嘗自跋云余生長江南里人
喜食苦筍試取而嘗之氣苦不可於鼻味苦不
可於口故嘗屏之未始爲客一設及來黔中黔
人各掘苦筍萌於土中才一寸許味如蜜蔗初
春則不食惟爨道人食苦筍四寸餘曰出土尺
餘味猶甘苦相半以此觀之涪翁所食乃取其
甘非貴於苦也

月下作

畏暑不巾襪步月搯短筇瘦身髮鬢髻顧影如孤
松徑幽螢開闔池漲魚噉喙飛泉穿北垣珠玉相
撞春東湖更奇絕百畝銀初鎔但能抱琴往絕恨
欠鶴從重露傾荷盤微風墮芙蓉歡言美清夜縹
緲吹疏鐘空中飛仙人粲然冰雪容笑我老塵世
不記瑤臺逢

清麗寄意處妙無迹相

過大蓬嶺度繩橋至杜秀才山莊
度筰臨千仞梯山躡半空濕雲朝暮雨陰壑古今

風亭觀參差見闌干。詰曲通柳空叢篠。出松偃翠蘿。蒙負籠銀釵。女。鉏。菑。鶴。髮。翁。何。由。有。餘。俸。小。築。此。山。中。

東湖新竹

插棘編籬謹護持。養成寒碧映淪漪。清風掠地秋先到。赤日行天午不知。解籜時聞聲簌簌。放梢初見葉離離。官閑我欲頻來此。枕簟仍教到處隨。集中詩類此者頗多。往往贈炙人口。然領聯不過斷句工巧。作者佳處。殊不在此。今擇其華淨少累。

者存之以備一體。其有句無篇者。汰之。若矜尙字句之巧。以爲得放翁家法。所謂微之之識。砭砭耳。

夏日湖上

烏帽筇枝散客愁。不妨胥吏雜沙鷗。迎風枕簟平欺暑。近水簾櫳探借秋。茶竈遠從林下見。釣筒常向月中收。江湖四十餘年夢。豈信人間有蜀州。

同何元立賞荷花追懷鏡湖舊遊

少狂欺酒氣吐虹。一笑未了千觴空。涼堂下簾人似玉。月色泠泠透湘竹。三更畫船穿藕花。花爲四。

壁○船○為○家○不○須○更○踏○花○底○藕○但○嗅○花○香○已○無○酒○花○
 深○不○見○畫○船○行○天○風○空○吹○白○紵○聲○雙○槳○歸○來○弄○湖○
 水○往○往○湖○邊○人○已○起○卽○今○憔悴○不○堪○論○賴○有○何○郎○
 共○此○尊○紅○綠○疏○疏○君○勿○嘆○漢○嘉○去○歲○無○荷○看○

怡齋

東○湖○仲○夏○草○樹○荒○屋○古○無○人○亭○午○涼○萱○房○微○呀○不○
 見○日○筍○籜○自○解○時○吹○香○野○藤○蟠○屈○入○窗○罅○濕○菌○扶○
 疏○生○屋○梁○跨○溝○數○椽○最○幽○翳○漲○水○及○檻○雨○敗○墻○靜○
 涵○青○蘋○舞○藻○苕○閑○立○白○鷺○浮○鴛○鴦○芙○蕖○雖○瘦○亦○瀾○

漫○照○眼○翠○蓋○遮○紅○妝○水○紋○枕○簟○欲○卷○却○團○團○素○扇○
 嬾○復○將○天○風○忽○送○埵○鈴○語○喚○覺○清○夢○遊○瀟○湘○

龍湫歌

環○湫○巨○木○老○不○花○淵○淪○千○尺○龍○所○家○爪○痕○入○木○欲○
 數○寸○觀○者○心○掉○不○敢○譁○去○年○大○旱○綿○千○里○禾○不○立○
 苗○麥○垂○死○林○神○社○鬼○無○奈○何○老○龍○欠○伸○徐○一○起○隆○
 隆○之○雷○浩○浩○風○倒○卷○江○水○傾○虛○空○鱗○聞○出○火○作○飛○
 電○金○蛇○夜○掣○層○雲○中○明○朝○父○老○來○賽○雨○大○巫○吹○簫○
 小○巫○舞○禱○門○人○散○月○娟○娟○龍○歸○抱○珠○湫○底○眠○

須臾慰滿三農望。斂却神功寂若無。此詩亦有其意。

蒸暑思梁州述懷

宣和之末予始生。遭亂不及遊司并。從軍梁州亦少慰。土脈深厚泉流清。季秋嶺谷浩積雪。二月草木初抽萌。夏中高涼最可喜。不省舉手驅蟲蟲。藏冰一出賣滿市。玉璞堆積寒崢嶸。柳陰夜臥千駟馬。沙上露宿連營兵。胡笳吹墮漾水月。烽燧傳到山南城。最思出甲戌秦隴。戈戟徹夜相摩聲。兩年

劍南走塵土。肺熱煩促無時平。荒池昏夜蛙閣閣。食案白日蠅營營。何時王師自天下。雷雨瀕洞收欂槍。老生病衰畏暑濕。思卜鄩杜開柴荆。

古意

繼足飼飢鷹。鷹飽意未平。伏櫪豈不安。老驥終悲鳴。士生固欲達。又懼徒富貴。素願有未伸。五鼎澹無味。茅屋秋雨漏。稻陂春水深。長歌傾濁酒。舉世不知心。身分極高語。亦落落入古。

寓驛舍

原註子三至成都皆館於是

閑坊古驛掩朱扉。又憩空堂綻客衣。九萬里中鯤
自化。一千年外鶴仍歸。繞庭數竹饒新筍。解帶量
松長舊圍。惟有壁間詩句在。暗塵殘墨兩依依。

題宇文子友所藏薛公鶴

仙人騏驥絕世稀。卯生凡禽似而非。宮保妙筆窮
化機。縞衣元裳真令威。千年華表聊一歸。回首幸
脫乘軒譏。喙吞不恨菰米微。從吾曹遊安得肥。

晨至湖上

園古逢秋好。身閑與嬾宜。空堂賞疏豁。重閣望參
差。竹粉有新意。松風含古姿。低回慙祿米。官事少
於詩。

聽琴

疏簾曲檻蘋風涼。細腰美人藕絲裳。綠藤水紋穿
矮牀。玉指纖纖彈履霜。高林鶯囀日正長。幽澗泉
鳴夜未央。哀思不怨和而莊。有齋淑女禮自防。世
人但惑青樓倡。琵琶篋雜胡羌。試聽一曲醒汝
狂。文姬指法傳中郎。

於韓歐蘇黃諸家外自樹一幟泠泠清音欲滿人耳視諸子正未肯作邾莒

龍眠畫馬

國家一從失西陲年年買馬西南夷瘴鄉所產非權奇邊頭歲入幾番皮崔嵬瘦骨帶火印離立欲不禁風吹圍人太僕空列位龍媒汗血來何時李公太平官京師立仗慣見渥洼姿斷縑歲久墨色暗逸氣尙若不可羈賞奇好古自一癖感事憂國空餘悲嗚呼安得毛骨若此三千匹銜枚夜度桑

乾蹟

文集跋韓幹馬大駕南幸將十八年秦兵洮馬不復可見志士所共歎也觀此畫使人作關輔河渭之夢殆欲實涕矣

山中得長句戲呈周輔并簡朱縣丞

鶴鳴山空無鶴來青霞嶂深天壁開千崖角逐互

吞吐一峰拔起矜崔嵬日光微漏潭見底原註青峰嶂碧

玉潭皆霧中佳處水氣上薄雲成堆幽禽飛鳴報客至奇

樹璀璨知誰栽花藤怪蔓白晝暗犇猿落狖無時

哀路窮尚躡一千級。忽見密竹藏樓臺。共言神僧昔住此。至今光景如天台。指筇負笠出復沒。喜動婦人驚提孩。高人何至作狡獪。無乃玩世聊相詼。不然學道窮實際。詎捨正大崇奇瑰。儒林丈人學擅世。餘事尚壓蔡與崔。名山未死可再到。此士一失難重陪。贊府摘山事如織。擺撥領客何奇哉。境幽神愴不可住。歸倩玉手傳金杯。原註朱君有侍兒許為客出唐書劉建鋒傳高郁教馬殷教民得自摘山收茗算募高戶置邸閣居茗

長歌行

人生不作安期生。醉入東海騎長鯨。猶當出作李西平。手梟逆賊清舊京。金印煌煌未入手。白髮種種來無情。成都古寺臥秋晚。落日偏傍僧窗明。豈其馬上破賊手。哦詩長作寒螿鳴。興來買盡市橋酒。大車磊落堆長瓶。哀絲豪竹助劇飲。如鉅野受黃河。傾平時一滴不入口。意氣頓使千人驚。國仇未報壯士老。匣中寶劍夜有聲。何當凱還宴將士。三更雪壓飛狐城。

遊三井觀

三井久知名。暇日偶一訪。棟宇壞欲盡。基址尙闕。壯畫牆皆國工。煙雲儼天仗。旌旄亞戈戟。佩玉雜弓韞。太古實傑作。筆落九天上。吳生名擅世。睥睨未肯讓。規模遠有考。意象豪不放。最奇老癯仙。骨立神愈王。石恪雖少怪。用筆亦跌宕。兩姝澹蛾眉。非復火食狀。塵埃久侵蝕。風雨無蓋障。好事未易逢。寧能久亡恙。雍洛劫火餘。妙迹盡凋喪。斯遊恐難繼。佇立增悄愴。

因畫生慨妙得子美家法筆力樸堅亦復相近

臨別成都帳飲萬里橋贈譚德稱

成都城南萬里橋。蘆根蘋末風蕭蕭。映花碾草鉏車小。駐坡驀澗青驄驕。入門翠徑絕窈窕。臨風飛觀何岌蕤。判無功名著不朽。惟仗詩酒寬亡聊。迎霜早已足雉兔。微冷便欲思狐貂。喜看縷膾映盤箸。恨欠斫蟹如橙椒。坐中譚侯天下士。龍馬毛骨矜迢迢。烏犀白紵謫仙樣。但可邂逅不可招。今年一戰馘餘子。風送六翮凌青霄。美人再拜乞利市。

醉墨飛落生蛟綃。我衰於世百無用。十年不趁含
 元朝。華纓肯傍蕭颯鬢。寶帶那束龍鍾腰。祝君好
 去事明主。日望分喜來漁樵。遊談引類亦細事。寄
 酒且解相如消。

丈人觀

黃金篆書扁朱門。夾道巨竹屯蒼雲。崖嶺劃若天
 地分。千柱耽耽壓其垠。纓冠肅謁丈人君。廣殿空
 庭吹寶熏。摩挲畫稿手爲皴。異哉山菟與土獐。物
 怪齷齪冠邱墳。仙人佩玉雜悅盼。手整貂冠最不

羣。欲去不忍恨日曛。道翁采藥晝夜勤。松根茯苓
 獲兼斤。人之植立彊骨筋。狗杞羣吠聲狺狺。山爐
 小甌吹幽芬。朱顏不飲嘗自醺。我亦宿誦五千文。
 一念之差隨世紛。逝將從翁走如麋。隱書祕訣何
 由聞。

硬語排冪自見妥帖

本集七律自註丈人觀孫太古畫范長生作舉
 手整貂蟬像神氣尤奇逸

儲福觀

原註唐玉真公主修真之地

路轉屏風疊。雲藏帝子家。窮幽行犖确。息倦倚槎牙。
綠蘚封茶樹。清霜打藥花。世無勾漏令。誰此養丹砂。
不少新色亦逼唐調

離堆伏龍祠觀孫太古畫英惠王像

岷山導江書禹貢。江流蹴山山爲動。嗚乎秦守信
豪傑。千年遺跡人猶誦。決江一支溉數州。至今禾黍連雲種。
孫翁下筆開生面。岌業高冠摩屋棟。徒木遺風雖峭刻。取材尙足當世用。寥寥後世豈乏

人。尺寸未施讒已眾。要官無責空賦祿。軒蓋傳呼真一閥。
奇勳偉績曠世無。仁人志士臨風慟。我遊故祠九頓首。
夜遇神君了非夢。披雲激電從天來。赤手騎鯨不施鞚。

以騷人之才發志士之感。獨立蒼茫自詠詩。正使生平蘊結藉此一攄。

登灌口廟東大樓觀嶠江雪山

我生不識栢梁建章之宮殿。安得峩冠侍遊宴。又不及身在滎陽京索閒。環甲橫戈夜酣戰。胸中迫

隘○思○遠○遊○沂○江○來○倚○岷○山○樓○千○年○雪○嶺○闌○邊○出○萬○
 里○雲○濤○坐○上○浮○禹○迹○茫○茫○始○江○漢○疏○鑿○功○當○九○州○
 半○丈○夫○生○世○要○如○此○齋○志○空○死○能○無○歎○白○髮○蕭○條○
 吹○北○風○手○持○卮○酒○醉○江○中○姓○名○未○死○終○磊○磊○要○與○
 此○江○東○注○海○

平羌道中望峩眉山慨然有作

白○雲○如○玉○城○翠○嶺○出○其○上○異○境○忽○墮○前○心○目○久○蕩○
 漾○別○來○二○百○日○突○兀○喜○無○恙○飛○仙○遙○舉○手○喚○我○一○
 稅○鞅○此○行○豈○或○使○屏○迹○事○幽○曠○何○必○故○山○歸○更○破○

萬里浪。

王士正曰九盤山臨青衣江遙望大峩秀出天
 半雲嵐萬狀積雪晶然中峩如偃僂少峩如供
 揖北來諸山蜿蜒起伏爭趨峩下放翁詩白雲
 如玉城翠嶺出其上異境或墮前心目久蕩漾
 身未到此不知語意之工

次韻何元立都曹贈行 原註元立用陳後山送蘇公詩韻

嘉○榮○東○西○川○此○別○不○爲○遠○徘徊○凌○雲○守○決○去○未○遽○
 忍○登○高○望○故○人○煙○樹○參○差○見○懸○知○今○日○夢○不○隔○重○

城○鍵○平○生○相○從○意○百○年○有○未○滿○結○巢○青○城○雲○期○子
在○歲○晚○

澄○澹○入○古○

初到榮州

亂○山○缺○處○城○樓○呀○雙○旗○蕭○蕭○晚○吹○笳○煙○深○綠○桂○臨
絕○壑○霜○落○殘○瀨○鳴○寒○沙○廢○臺○已○無○隱○士○嘯○遺○宅○尚
有○高○人○家○鈴○齋○下○榻○約○僧○話○松○陰○枕○石○放○吏○衙○盃
羹○最○珍○慈○竹○筍○餅○水○自○養○山○薑○花○地○爐○堆○獸○熾○石
炭○瓦○鼎○號○蚓○煎○秋○茶○少○年○遠○遊○無○百○里○一○飢○能○使

行○天○涯○豈○惟○慣○見○蓬○婆○雪○直○恐○遂○泛○星○河○槎○故○巢
肯○作○兒○女○戀○異○境○會○向○鄉○間○誇○一○盃○徑○醉○幘○自○墮
燈○下○髮○影○看○鬢○髻○

醉中懷眉山舊遊

勁○酒○少○和○氣○哀○歌○無○歡○情○故○鄉○不○敢○思○登○高○望○錦
城○錦○城○那○得○去○髣○髴○驀○頤○路○遙○知○尊○前○人○指○我○題
詩○去○我○雖○流○落○夜○郎○天○遇○酒○能○狂○似○少○年○想○見○東
郊○攜○手○日○海○棠○如○雪○柳○飛○綿○原註漢嘉術者袁牧
童謂予明年春分後

當還
西州

如瓶瀉水如珠走盤想見酒閒揮灑之樂

齋中夜坐有感

荒山為城溪作壕風鼓巨木聲翻濤鴟梟乘屋彈
不去狐狸欺人怒豎毛雨來紅鶴更可惡爭巢一
似嬰兒號城孤屋老草木茂正坐人少此輩豪急
呼五百具畚鍤欲掀窟穴窮腥臊忽然語罷却自
笑殘年何至與汝塵浣花江色綠如黛春波濼濼
浮輕舸行當繫纜柳陰下仰聽鶯語傾香醪

晚登橫溪閣

樓鼓聲中日又斜憑高愈覺在天涯空桑客土生
秋草野渡虛舟集晚鴉瘴霧不開連六詔俚歌相
答帶三巴故鄉可望應添淚莫恨雲山萬疊遮
淒其欲絕哀厲彌長被之歌喉可以繞梁三日

高齋小飲戲作

梅花又發鬼門關坐覺春風萬里寬荔子陰中時
縱酒竹枝聲裏強追歡丁年漢使殊方老子夜吳
歌昨夢殘白帝夜郎俱不惡兩公補處得憑欄

自夔客榮

太液黃鵠歌

有引

漢始元元年春二月黃鵠下建章宮太液池中。公卿上壽賜諸侯王列侯宗室金錢。子夜讀漢書追作歌一首。

建章宮殿春風寒。太液水生池面寬。中人馳奏黃鵠下。龍旗豹尾臨池看。芹香藻暖鵠得意。左右從官呼萬歲。須臾傳詔宴公卿。歡聲如雷動天地。時平宮省遊樂多。黃鵠刷羽涵恩波。小臣珥筆龍墀下。願繼前朝天馬歌。

託興深遠承靈威。兮障外國猶是夜渡桑乾之意。

夜聞浣花江聲甚壯

浣花之東當笮橋。犇牛齧橋橋為搖。分洪初疑兩蛟舞。觸石散作千珠跳。壯聲每挾雷雨橫。巨勢潛借鼉鼉驕。夢回聞之坐太息。鐵衣何日東征遼。銜枚度磧沙颯颯。檠檠斷隴風蕭蕭。不然投檄徑歸去。短篷臥聽錢塘潮。

謁諸葛丞相廟

原註彌牟八陣原上

漢終四百天所命。老賊方持太阿柄。區區梁益豈

足支不忍安坐觀異姓遺民亦知王室在閨位那
千天統正公雖已沒有神靈猶假賊手誅鍾鄧前
年我過沔陽祠再拜奠俎衰淚迸潔齋請作送迎
詩精忠大義神其聽

能道孔明心事辭意警絕善於包舉

醉中長歌

闌干斗柄搖天東人閒一夜回春風注桃染柳歲
相似惟我衰顏非昔紅可憐逢春不自感更欲使
氣驚兒童煙郊射雉錦臆碎水亭供膾金盤空歸

穿南市萬人看流星突過連錢驄高樓作歌醉自
寫墨光燭燄交長虹人生未死貴適意萬里作客
原非窮故人夜直金鑾殿偃臥獨聽宮門鐘

春感

少時狂走西復東銀鞍駿馬馳如風眼看春去不
復惜只道歲月來無窮初遊漢中亦未覺一飲尙
可傾千鍾文魚狼籍漾水濁獵虎蹴蹋南山空射
棚命中萬人看球門對植雙旗紅華堂却來弄筆
硯新詩醉草誇坐中劔關南山纔幾日壯氣推縮

成○衰○翁○雪○霜○蕭○颯○已○滿○鬢○蛟○龍○鬱○屈○空○蟠○胸○隣○園○
杏○花○忽○爛○漫○推○枕○彊○起○隨○遊○蜂○繞○看○百○匝○幾○嘆○息○
吹○紅○洗○綠○行○恩○恩○莫○年○逢○春○尚○有○幾○常○恐○春○去○尋○
無○蹤○青○銅○三○百○尙○可○辦○且○判○爛○醉○酤○郵○筒○

花時遍遊諸家園

宣○華○無○樹○著○嘒○鶯○惟○有○摩○訶○春○水○生○故○老○能○言○當○
日○事○直○將○宮○錦○裏○宮○城○
於○海○棠○寓○荒○淫○之○警○獨○有○深○味○

題明皇幸蜀圖

天○寶○政○事○何○披○猖○使○典○相○國○胡○奴○王○弄○權○楊○李○不○
足○怪○阿○瞞○手○自○裂○紀○綱○八○姨○富○貴○尙○有○理○何○至○詔○
書○褒○五○郎○原註天寶末下詔
書張易之兄弟盧○龍○賊○騎○已○洶○洶○丹○
鳳○神○語○猶○琅○琅○人○知○大○勢○危○纍○卵○天○稔○奇○既○如○崩○
牆○臺○省○諸○公○獨○耐○事○歌○咏○功○德○卑○虞○唐○一○朝○殺○氣○
橫○天○末○匹○馬○西○犇○幾○不○脫○向○來○諂○子○知○幾○人○賊○前○
稱○臣○草○閒○活○劍○南○萬○里○望○秦○天○行○殿○春○寒○聞○杜○鵑○
老○臣○九○齡○不○可○作○魚○蠹○蛛○絲○金○鑑○篇○
筆○墨○老○橫○有○如○高○牙○大○纛○堂○堂○正○正○摧○堅○而○折○銳○

一結尤得立言之旨

春殘

石鏡山前送落暉。春殘回首倍依依。時平壯士無功老。鄉遠征人有夢歸。苜蓿苗侵官道合。蕪菁花入麥畦稀。倦遊自笑摧頰甚。誰記飛鷹醉打圍。

盧世漑曰項聯有髀肉復生之慨

對酒

閑愁如飛雪。入酒卽消融。好花如故人。一笑盃自空。流鶯有情亦念我。柳邊盡日嘯春風。長安不到

十四載。酒徒往往成衰翁。九環寶帶光照地。不如留君雙頰紅。

遊圓覺乾明祥符三院至暮

成都再見春事殘。雖名閑官實不閑。門前車馬鬧如市。案上文檄高於山。有時投罇輒徑出。略似齊客偷秦關。日斜僕夫已整駕。顧景欲駐愁嘲訕。豈知今朝有此樂。放浪一笑開衰顏。抽身黃塵烏帽底。得意翠木清泉間。褰裳危磴窮犖确。洗耳古欄聽淙潺。豈惟頓覺宇宙廣。政爾一散腰腳頑。似聞

青城縹緲處。待我歸綴仙官班。俊鷹解條卽萬里。豈比仙翼方知還。

食齋

小著鹽醯助滋味。微加薑桂發精神。風鱸歛鉢窮家活。妙訣何曾肯授人。小有風致。

幽居晚興

借鉏斲藥喜微香。汲井澆花趁晚涼。胸次何曾橫一物。尊前尚欲笑千場。錦江秋雨芙蓉老。笠澤春

風杜若芳。歸去自佳留亦樂。夢中何處是吾鄉。行雲流水之趣眼前語頗能道出。

書歎

三代藏寶器。世守參河圖。埋湮則已矣。可使列市區。文章有廢興。蓋與治亂符。慶曆嘉祐閒。和氣扇大鑪。數公實主盟。渾灝配典謨。開闢始歐王。菑畚逮曾蘇。大駕初渡江。中原皆避胡。吾猶及故老。清夜陪坐隅。論文有脈絡。千古著不誣。俯仰四十年。綠髮霜蓬枯。孤生尊所聞。秉節不敢渝。久幽士固

有速售理則無世方亂珉玉吾其老江湖
文章與時隆汗自古而然後生小子倘規矩而改
錯豈知老成之有淵源耶太白歎大雅久不作少
陵云文章千古事高情遠識可以並讀

文集答邢司戶書近時頗有不利場屋者退而
組織古語剽裂奇字大書深刻以眩世俗讀之
使人面熱此等果可言文章乎如唐韓氏柳氏
吾宋歐氏王氏蘇氏以文章擅天下者徒以在
場屋時苦心耗力凡陳言淺說之可病者已知

厭棄如都市之玉工珉玉雜治積日既久望而
識之矣一旦取荆山之璞以爲黃琮蒼璧萬乘
之寶珉豈可復欺耶凡今不利場屋而名古之
文者往往未嘗識珉者也又安知玉哉

月下醉題

黃鵠飛鳴未免飢此身自笑欲何之閉門種菜英
雄老彈鋏思魚富貴遲生擬入山隨李廣死當穿
塚近要離一樽強醉南樓月感慨長吟恐過悲

盧世淮曰三四自是壯語

銅壺閣望月

銅壺閣上看明月。身在千尋白銀闕。十年肺渴今夕平。皓然胸次堆冰雪。恨無仙掌出雲表。更取墜露和玉屑。夜闌三歎下危梯。明日人間火雲熱。

夜宴卽席作

宣華輦路牧牛羊。摩訶龍池草茫茫。宮殿犁盡餘繚牆。南風遠吹禾黍香。草間白骨橫秋霜。何由喚起醕一觴。癡人走死聲利場。我獨感此惜流光。蘋花開時風榭涼。美人縹緲如鸞翔。堯年舜日樂未央。

央非子之故爲誰狂

芳華樓夜宴

射虎將軍老不侯。尚能豪縱醉江樓。笙歌雜沓娛清夜。風露高寒接素秋。少日壯心輕玉塞。暮年幽夢墮滄洲。人間清絕沅湘路。嘗笑靈均作許愁。

歲晚

歲晚城隅車馬稀。偷閑聊得掩荆扉。征蓬滿野風霜苦。多稼連雲雁鶩肥。報國有心空自信。結茅無地竟相歸。浣花道上人誰識。華表千年老令威。

領聯真風人語歎惋無盡妙有含蓄

數日寒頓減頗有春意感懷賦短歌

微陰寒不力。破臘春暗動。林梢報梅白。水際聞鳥
啁。羈鴻漸整翮。一一勞日送。應憐飛蓬客。猶作浣
花夢。平生江淮閒。裘馬事豪縱。豈知老畏死。齋鉢
受蔬供。忍饑每自笑。小飲未敢痛。何以慰寂寥。臥
聽壓春甕。

梅花

冰崖雪谷木未芽。造物破荒開此花。神全形枯近

有道意莊色。正知無衰高。堅政要飽憂。患放棄何
遽。愁荒遐移根上苑。亦過計竹籬茅屋真吾家。平
生自嫌亦自許。妙處可識不可誇。金尊翠杓未免
俗。篝火爲試江南茶。
另開生面全是寓言

萬里橋江上習射

坡隴如濤東北傾。胡牀看射及春晴。風和漸減雕
弓力。野迴遙聞羽箭聲。天上欃槍端可落。草間狐
兔不須驚。丈夫未死誰能料。一筇他年下百城。

出塞曲

佩○刀○一○刺○山○爲○開○壯○士○大○呼○城○爲○摧○三○軍○甲○馬○不○
知○數○但○見○動○地○銀○山○來○長○戈○逐○虎○祁○連○北○馬○前○曳○
來○血○丹○臆○却○回○射○雁○鴨○綠○江○箭○飛○雁○起○連○雲○黑○清○
泉○茂○草○下○程○時○野○帳○牛○酒○爭○淋○漓○不○學○京○都○貴○公○
子○唾○壺○塵○尾○事○兒○嬉○

偶遇浣花感舊遊戲作

憶○昔○初○爲○錦○城○客○醉○騎○駿○馬○桃○花○色○玉○人○攜○手○上○
江○樓○一○笑○鉤○簾○賞○微○雪○寶○釵○換○酒○忽○徑○去○二○日○樓○

中○香○未○滅○市○人○不○識○呼○酒○仙○異○事○驚○傳○一○城○說○至○
今○西○壁○餘○小○草○過○眼○年○光○如○電○掣○正○月○錦○江○春○水○
生○花○枝○缺○處○小○舟○橫○閑○倚○胡○牀○吹○玉○笛○東○風○十○里○
斷○腸○聲○

樓上醉書

丈○夫○不○虛○生○世○閒○本○意○滅○虜○收○河○山○豈○知○蹭○蹬○不○
稱○意○八○年○梁○益○凋○朱○顏○三○更○撫○枕○忽○大○叫○夢○中○奪○
得○松○亭○關○中○原○機○會○嗟○屢○失○明○日○茵○席○留○餘○潛○益○
州○官○樓○酒○如○海○我○來○解○旗○論○日○買○酒○酣○博○筌○爲○歡○

徐道周久言西
卷四三
遊
三
娛信手梟盧喝成采牛背爛爛電目光狂殺自謂
元非狂故都九廟臣敢忘祖宗神靈在帝傍
縱筆直書却有沈鬱頓挫之妙范成大贈游云高
興餘飛動孤忠有照臨非虛語也

初春出游

春風初來滿刀州江水照人如潑油犢車芳草南
北頭家家傾貲事遨遊萬里橋西繫黃騮爲君一
登散花樓半年長齋廢觥籌興來忽典千金裘小
桃婀娜弄芳柔紅蘭茁芽滿春洲壚邊女兒不解
愁鬪草纔罷還藏鉤可憐世人自拘囚盎中乾蟬
舞蜉蝣百年苦短去日遒問君安用萬戶侯

張園海棠

洛陽春信久不通姚魏開落胡塵中揚州千葉昔
曾見已歎造化無餘功西來始見海棠盛成都第
一推燕宮池臺掃除凡木盡天地眩轉花光紅慶
雲墮空不飛去時有絳雪縈微風蜂蝶成團出無
路我亦狂走走迷西東此園低樹猶三丈錦繡却在
青天上不須更著刀尺裁乞與齊奴開步障

不著凡語為海棠生色從來咏海棠者多矣以此為最

登劍南西川門感懷

自古高樓傷客情。更堪萬里望吳京。故人不見莫雲合。客子欲歸春水生。瘴癘連年須藥石。退藏無地著柴荆。諸公勉畫平戎策。投老深思看太平。

盧世淮曰此首極似杜陵讀者自辨之

眉州作

扁舟久不泛。葦津常恐黃塵解。污人爛醉破除千。

日。懣。原。註。子。不。至。狂。吟。判。斷。四。州。春。原。註。此。行。自。唐。安。至。汀。洲。漸。歎。蘋。花。老。風。霧。初。嘗。荔。子。新。便。欲。

騎。鯨。東。海。去。勝。游。未。忍。別。峩。岷。

江樓

急。雨。洗。殘。瘴。江。邊。閑。倚。樓。日。依。平。野。沒。水。帶。斷。槎。流。擣。紙。荒。村。晚。呼。牛。古。巷。秋。腐。儒。憂。國。意。此。際。入。搔。頭。

隨意咏懷不覺近杜其由來深矣

訪楊先輩不遇因至石室

訪客客已去。追涼成獨行。衣冠嚴漢殿。草木拱秦城。古甃蒼苔滑。空庭落日明。出門還懍恍。列屋打碑聲。原註牆東卽石經堂

感秋

西風繁杵擣征衣。客子關情正此時。萬事從初聊復爾。百年疆半欲何之。畫堂蟋蟀怨清夜。金井梧桐辭故枝。一枕淒涼眠不得。呼燈起作感秋詩。

王士正曰玉階蟋蟀鬧清夜四語小說載此爲蜀中某驛卒女詩放翁見之納以爲妾爲夫人

所逐又有卜算子詞不合畫春山依舊留愁住云云按劔南集此詩乃放翁在蜀時所作本七律玉階作畫堂鬧作怨後人稍竄易數字輒傳會或收入閨秀詩可笑也

白鶴館夜坐

竹聲風雨交。松聲波濤翻。我坐白鶴館。燈青無晤言。廓然心境寂。一洗吏卒喧。袖手哦新詩。清寒愧雄渾。屈宋死千載。誰能起九原。中間李與杜。獨招湘水魂。自此競摹寫。幾人望其藩。蘭茗看翡翠。煙

雨○號○青○猿○豈○知○雲○海○中○九○萬○擊○鵬○鷗○更○闌○燈○欲○死○
此意與誰論

此與書歎一篇見此老識力亦後學良則所以為
南渡之冠

南津勝因院亭子

南○江○平○無○風○如○鏡○所○拂○拭○漁○舟○不○點○破○激○激○千○頃○
碧○闌○干○西○北○角○雲○散○山○爭○出○坡○陁○競○南○走○翠○入○窗○
戶○窄○江○山○不○世○情○作○意○娛○此○客○豈○無○尊○中○酒○豪○飲○
非○宿○昔○明○當○還○成○都○塵○土○埋○馬○迹○後○巖○在○眼○中○飛○

去無羽翼原註後巖在鳳凰山後
七八里山水尤奇絕

書寓舍壁

天○與○癡○頑○不○解○愁○未○埋○病○骨○且○閑○遊○山○於○拄○杖○橫○
時○看○路○到○芒○屨○破○處○休○初○擬○燒○丹○住○南○嶽○却○因○學○
劍○客○西○州○秋○風○巾○褐○添○蕭○爽○又○作○臨○邛○十○日○留○

御選唐宋詩醇卷四十三

早稲田大学図書館

011888008260